



浙江圖書館



浙江圖書館

序公... 其... 玄韜國語髓析  
今... 士大夫館益無不艷稱左  
國矣願左之行... 學者往往能  
默存之亦能精... 言之而國語僅  
標其郛以去... 深于國者未數數  
見也世傳左國實出一手而人  
于二書淺深異者何故左傳...

浙江圖書館



浙江圖書館

序公孝與呂玄韜國語髓析  
今世學士大夫蓋無不艷稱左  
國矣顧左之行廣學者往往能  
默存之亦能精言之而國語僅  
標其郭以去深于國者未數數  
見也世傳左國實出一手而人  
于二書淺深異者何故左傳序



事而裁之以意成一家言其詞  
竒宕可喜令人讀之不覺入于  
吻而投于咽國語則因事以見  
國因語以見事凡列國之制度  
文為與夫應對酬和之語盡舉  
而登之尺幅驟讀焉曲折而繁  
瑣顧其條理井井窾會若若能

莊能諧能夷能夏能以數語而  
摹興衰能以數百言而肖王會  
酣讀之不自知其身之不在周  
列國也然以浮心淺目讀之未  
有不難其曲折而繁瑣者也夫  
聞人能以為國之手為左使人  
讀左者幾不知有國而今之人

乃不能以讀左之口讀國至難  
國于左哉則其求之者未精也  
予同年呂玄韜與其舅公孝與  
于書無所不窺于古人之法度  
無所不蒐獮而爬剔所讀國語  
節有評句有剖浙凡一切開闔剝  
換照應串插之妙肌分理析犁

然目中壹似聞人搦管時若為  
之質其神而相其筆者壬子之  
冬玄韜與予有入汴之役行篋  
中偶出以示予予戲謂玄韜國  
語以子甥舅身無完肌亦家無  
贖寶矣抑國語不斬以其秘公  
之子而子乃斬公之天下耶乃

固請梓之因請名之曰國語髓  
析昔柳子厚生平酷摹國語而  
晚有非國之論昔人以為文士  
逢蒙然予謂子厚僅能為柳氏  
國語耳豈遂能為國語哉又惜  
夫子厚之不見孝與玄韜試相  
與抵掌而為國語一吐氣也故

千百世而下孝與玄韜氏殆國  
語知己夫寧直知已哉即謂之  
功臣可也


書

勾甬年弟董光宏題

浙江



浙江圖書館



公傳曰看國語文字以曲折為主次求其奧麗處大率全以虛字

幹旋如夫故皆及之類後倣此

言邦耀曰以首句用先王字故終篇屢用先王後多如此

國語隨析卷之一

東蒙公 鶴

崑山葛錫璠

周語上

書

古燕居邦耀同批評  
付肅董光宏同校正



穆王將征犬戎祭公謀父諫曰不可先王耀德

不觀兵夫兵戢而時動動則威觀則玩玩則無

震是故周文公之頌曰載戢于戈載櫜弓矢我

求懿德肆於時夏允王保之先王之於民也茂

正其德而厚其性阜其財求而利其器用明利

公何曰不窳

非稷之子譙

周毆陽水叔

羅泌已辯之

詳余章註蓋

據史記為說

耳

呂邦耀曰胡

氏通鑑九十

九卷註云奕

世載德班彪

王命論之言

及不上引國

害之鄉以文修之使務利而避害懷德而畏威

故能保世以滋大昔我先世后稷以服事虞夏

及夏之衰也棄稷弗務我先王不窳用失其官

而自竄於戎翟之間不敢怠業時序其德纂修

其緒修其訓典朝夕恪勤守以惇篤奉以忠信

奕世載德不忝前人至於武王昭前之光明而

加之以慈和事神保民莫不欣喜商王帝辛大

惡於民庶民弗忍欣戴武王以致戎於商牧是

先王非務武也勤恤民隱而除其害也夫先王

語想一時落  
筆之誤

公獨曰此後  
設極轉折處

之制。邦內甸服。邦外侯服。侯衛賓服。蠻夷要服。  
 戎翟荒服。甸服者祭。侯服者祀。賓服者享。要服  
 者貢。荒服者王。日祭。月祀。時享。歲貢。終王。收先王  
 之訓也。有轉不祭則修意。有轉不祀則修言。有轉不享  
 則轉修文。有轉不貢則修名。有轉不王則修德。序成而  
 有轉不至則修刑。於是乎有刑不祭。伐不祀。征不  
 享。讓不貢。告不王。於是乎有刑罰之辟。有攻伐  
 之兵。有征討之備。有威讓之令。有文告之辭。布  
 令陳辭而又不至則又增修於德。無勤民於遠。

呂邦燿曰觀  
兵及先王字  
俱應首句

是以近無不聽遠無不服今自大畢伯仕之終  
也犬戎氏以其職來王天子曰予必以不享征  
之且觀之兵其無乃廢先王之訓而王幾頓乎  
吾聞夫犬戎樹惇能帥舊德而守終純固其有  
以禦我矣王不聽遂征之得四白狼四白鹿以  
歸自是荒服者不至

恭王游於涇上密康公從有三女奔之其母曰  
必致之於王夫獸三為群人三為衆女三為祭  
王田不取羣公行下衆王御不參一族夫祭美

呂邦燿曰王  
怒王喜四字  
插出厲王剛  
慢心事。

之物也衆以美物歸女而何德以堪之王猶不  
堪況爾小醜小醜偷物終必亡康公弗獻一羊  
王滅密

厲王虐國人謗王召公告王曰民不堪命矣王  
怒得衛巫使監謗者以告則殺之國人莫敢言  
道路以目王喜告召公曰吾能彌謗矣乃不敢  
言召公曰是鄣之也防民之口甚於防川川壅  
而潰傷人必多民亦如之是故爲川決之使導  
爲民者宜之使言故天子聽政使公卿至於列

呂邦耀曰王  
氏紀聞曰王

制太史典禮

孰簡記奉諱

惡保傳傳謂

不知日月之

時不知先王

之諱與大國

之惡不知風

雨雷電之書

太史之任也

愚謂人君所

諱言者災異

之變所惡聞

者危亡之事

太史奉書以

告君召穆公  
所謂史獻書

周書

三

士獻詩。瞽獻典。史獻書。師箴。瞽賦。瞽誦。百工諫。

庶人傳語。近臣盡規。親戚補察。瞽史教誨。耆艾

修之。而後王斟酌焉。是以事行而不悖。民之有

口也。猶土之有山川也。財用於是乎出。猶其有

原隰衍沃也。衣食於是乎生。口之宣言也。善敗

於是乎興。行善而備敗。所以阜財用。衣食者也。

夫民慮之於心。而宣之於口。成而行之。胡可壅

也。若壅其口。其與能幾何。王弗聽。於是國人莫

敢出言。三年乃流王於彘。

敢出... 三年... 乃... 流... 王... 於... 盡

也

公鶴曰墨子

厲王染於厲

公長父榮夷

終即夷公也

呂邦燿曰祭

父謀父芮良

夫之引周頌

周雅內史過

之引夏書湯

誓殷唐富辰

厲王說榮夷公芮良夫曰王室其將卑乎夫榮  
 公好專利而不知大難夫利百物之所生也天  
 地之所載也而或專之其害多矣天地百物皆  
 將取焉胡可專也所怒甚多而不備大難以是  
 教王主能父乎夫王人者將導利而布之上下  
 者也使神人百物無不得其極猶曰怵惕懼怨  
 之來也故頌曰思文后稷克配彼天立我烝民  
 莫匪爾極大雅曰陳錫載周是不布利而懼難  
 乎故能載周以至於今今王學專利其可乎匹

檢意

自

中意

句頓挫

五

四

之鮮兄弟闕  
于墻單子之

鮮無從非爰

叔向之鮮吳

天有成命叔

孫豹之鮮皇

皇者華閔馬

父之鮮自古

在昔史老之

鮮說命觀射

父之鮮重黎

與夫冷州鳩

之論樂論律

展禽射交

之論祀王孫

圍之論寶尊

於經學大有

發明渾人訓

夫專利猶謂之盜王而行之其歸鮮矣榮公若

用周必敗既榮公為卿士諸侯不享王流於豷

豷之亂宣王在召公之宮國人圍之召公曰昔

吾驟諫王王不從以及此難今殺王子王其以

我為懟而怒乎夫事君者險而不懟怨而不怒

況事王乎乃以其子代宣王宣王長而立之

宣王即位不藉千畝虢文公諫曰不可夫民之

大事在農上帝之粢盛於是乎出民之蕃庶於

是乎生事之共給於是乎在和協輯睦於是乎

詰未能或之  
尤也

呂邦耀曰議  
論叙事之體

文似周禮

興財用蕃殖於是乎始。敦龐純固於是乎成。是  
故稷爲大官。古者大史順時覲土。陽廡憤盈。土  
氣震發。農祥晨正。日月底於天。廟土乃脉發。先  
時九日。大史告稷曰。自今至於初吉。陽氣俱蒸。  
土膏其動。弗震弗渝。脉其滿。膏穀乃不殖。稷以  
告王曰。史帥陽官以命我司事曰。距今九日。土  
其俱動。王其祗祓。監農不易。王乃使司徒咸戒  
公卿百吏庶民。司空除壇於藉。命農大夫咸戒  
農用。先時五日。瞽告有協風至。王旣齊宮。百官

御事各卽其齊三日王乃淳濯饗醴及期鬱人薦鬯犧人薦醴王裸鬯饗醴乃行百吏庶民畢從及藉后稷監之膳夫農正陳藉禮大史贊王王敬從之王耕一墾班三之庶人終於千畝其后稷省功大史監之司徒省民大師監之畢宰夫陳饗膳宰監之膳夫贊王王歆大牢班嘗之庶人終食是日也瞽帥音官以省風土廩於藉東南鍾而藏之而時布之於農稷則徧戒百姓紀農協功曰陰陽分布震雷出滯土不偷墾辟

呂邦耀曰征  
則有威守則  
有財何福如  
之如此求福  
亦先王之所  
不廢也子厚

在司寇乃命其旅曰徇農師一之農正再之后  
稷三之司空四之司徒五之大保六之大師七  
之大史八之宗伯九之王則大徇耨穫亦如之  
民用莫不震動恪恭於農修其疆畔日服其鑄  
不解於時財用不乏民用和同是時也王事唯  
農是務無有求利於其官以千農功三時務農  
而一時講武故征則有威守則有財若是乃能  
媚於神而和於民矣則享祀時至而布施優裕  
也今天子欲修先王之緒而棄其大功匱神之

祀而困民之財將何以求福用民王弗聽三十  
九年戰於千畝王師敗績於姜氏之戎

魯武公以括與戲見王王立戲樊仲山父諫曰  
不可立也不順必犯犯王命必誅故出令不可  
不順也令之不行政之不立行而不順民將棄  
上夫下事上少事長所以爲順也今天子立諸  
侯而建其少是教逆也若魯從之而諸侯倣之  
王命將有所壅若不從而誅之是自誅王命也  
是事也誅亦失不誅亦失天子其圖之王卒立

之魯侯歸而卒及魯人殺懿公而立伯御三十  
二年宣王伐魯立孝公諸侯從是而不睦

宣王欲得國子之能導訓諸侯者樊穆仲曰魯  
侯孝王曰何以知之對曰肅恭明神而敬事者  
老賦事行刑必問於遺訓而咨於故實不干所  
問不犯所咨王曰然則能訓治其民矣乃命魯  
孝公於夷宮

宣王既喪南國之師乃料民於大原仲山父諫  
曰民不可料也夫古者不料民而知其少多司

民協孤終。司商協名姓。司徒協旅。司寇協姦。牧

協職。工協革。場協入。廩協出。是則少多。死生出

入往來者。皆可知也。於是乎轉又審之以事。王治

農於藉。蒐於農隙。耨穫亦於藉。獮於既烝。狩於

畢時。是皆習民數者也。又何料焉。不謂其少而

大料之。是示少而惡事也。臨政示少。諸侯避之

治民惡事。無以賦令。且無故而料民。天之所惡

也。害於政而妨於後嗣。王卒料之。及幽王乃廢

滅

呂邦耀曰幽

王之廢滅固

不止此但衆

庶觀望諸侯

窺伺之時示

少惡事適有

以啓其慢而

問之譽仲山

父之諫自合

如此子厚之

如此子厚之

論語

公孫曰唐固

謂伯陽父即

陛下史老子

求必然章註

周大夫焉是

呂邦耀曰無

政事則財用

不足民乏財

用人事自在

其中子厚之

說非也

幽王三年、西周三川皆震、伯陽父曰、周將亡矣、

夫天地之氣不失其序、若過其序、民之亂也、陽

伏而不能出、陰遁而不能烝、於是乎地震、今三

川實震、是陽失其所而鎮陰也、陽失而在陰、川

源必塞、夫水土演而民用也、水土無演、民乏財

用不亡、何待、昔伊洛竭而夏亡、河竭而商亡、今

周德若二代之季矣、其川源又塞、塞必竭、夫國

必依山、川、山崩、川竭、亡之徵也、川竭、山必崩、若

國亡、不過十年、數之紀也、夫天之所棄、不過其

周書

紀是歲也三川竭岐山崩十一年幽王乃滅周  
乃東遷

惠王三年邊伯石遨薦國出王而立王子穰王  
處於鄭三年子穰飲三大夫酒子國爲客樂及  
徧舞鄭厲公見虢叔曰吾聞之司寇行戮君爲  
之不舉而況敢樂禍乎今吾聞子穰歌舞不思  
憂夫出王而代其位禍孰大焉臨禍忘憂是謂  
樂禍禍必及之盍納王乎虢叔許諾鄭伯將王  
自圉門入虢叔自北門入殺子穰及三大夫王

乃入

十五年有神降於莘王問於內史過曰是何故  
固有之乎對曰有之國之將興其君齊明衷正  
精潔惠和其德足以昭其馨香其惠足以同其  
民人神饗而民聽民神無怨故明神降之觀其  
政德而均布福焉國之將亡其君貪冒辟邪淫  
佚荒怠麤穢暴虐其政腥臊馨香不登其刑矯  
誣百姓攜貳明神弗蠲而民有遠志民神怨痛  
無所依懷故神亦往焉觀其苛慝而降之禍是

以或見神以興亦或以亡昔夏之興也融降於崇山其亡也回祿信於聆隧商之興也禱杌次於丕山其亡也夷羊在牧周之興也鸛鷺鳴於岐山其衰也杜伯射王於鄩是皆明神之志者也王曰今是何神也對曰昔昭王娶於房曰房后實有爽德恊於丹朱丹朱馮身以儀之生穆王焉實臨照周之子孫而禍福之夫神壹不遠徙遷焉若由是觀之其丹朱乎王曰其誰受之對曰在虢土王曰然則何爲對曰臣聞之道而

厚迂誕之說  
呂那耀曰子

厚迂說之說

庚

得神是謂逢福淫而得神是謂貪禍今虢必荒  
 其亡乎王曰吾其若之何對曰使大宰以祝史  
 帥狸姓秦犧牲粢盛玉帛牲獻焉無有祈也王  
 曰虢其幾何對曰昔走臨民以五今其冒見神  
 之見也不過其物若由是觀之不過五至王使  
 大宰忌父帥傅氏及祝史秦犧牲玉鬯牲獻焉  
 內史過從至虢虢公亦使祝史請土焉內史過  
 歸告王曰虢必亡矣不禋於神而求福焉神必  
 禍之不親於民而求用焉民必違之精意以享

同五二

禮也。慈保庶民親也。今虢公動匱百姓以逞其  
違，離民怒神而求利焉，亦難乎。十九年，晉取  
虢。

襄王使召公過及內史過，賜晉惠公。命呂甥、卻

芮相晉侯不敬，晉侯執王，卑拜不稽首。內史過

歸以告王曰：晉不亡，其君必無後。且呂卻將不

免。王曰：何故？對曰：夏書有之曰：衆非元后，何戴

后？非衆無與守邦。在湯誓曰：余一人有裊，無以

萬夫。萬夫有裊，在余一人。在般庚曰：國之滅則

萬夫萬夫有鼻在命一人有鼻其曰國之

維女衆國之不臧則維余一人是有逸罰如是

則長衆使民不可不慎也民之所急在於大事

先王知挽大事之必訓以衆濟也故穿被除其心以和又法

惠民考中度衷以涖之昭明物則以訓之制義

庶孚以行之被除其心精也考中度衷忠也昭

明物則禮也制義庶孚信也然則長衆使民之

道非精不和非忠不立非禮不順非信不行今

晉侯即位而背外內之賂虐其處者棄其信也

不敬王命棄其禮也施其所惡棄其忠也以惡

呂邦燿曰王氏紀聞曰聖賢言忠不專於事君為人謀必忠於朋友必忠告事

親必忠養以  
善教人以利  
及民無適非  
忠也

實心棄其精也四者皆棄則遠不至而近不和

矣將何以守國古者先王既有天下又崇立上

帝明神而敬事之於是乎有朝轉日夕月以教民長議論句法韓退

事君文多倣此諸侯春秋受職於王以臨其民大夫士日

恪位箸以倣其官庶人工商各守其業以共其

上猶恐有墜失也故為車服旗章以旌之為摯

幣瑞節以鎮之為班爵貴賤以列之為令聞嘉

譽以聲之猶有散遷解慢而箸在刑辟流在裔

土於是乎有夷蠻之國有斧鉞乃墨之民而況

呂邦耀曰呂  
卻將不免只  
二語收住且  
意味詳盡

可以淫縱其身乎夫晉侯非嗣也而得其位

疊怵惕保任戒懼猶曰未也句法宛出若將廣其心而遠

其鄰陵其民而卑其上將何以固守夫執玉果

贊其摯也拜不稽首誣其王也贊摯無鎮誣王

無民夫天事恒象任重事理人情享大者必速及故晉侯

誣王人亦將誣之欲贊其鎮人亦將贊之大臣

享其祿弗諫而阿之亦必及焉襄王三年而立

晉侯八年而隕於韓十六年而晉人殺懷公無

胃秦人殺子金子公

言邦耀曰內  
傳劉子曰良

襄王使大宰文公及內史與賜晉文公命上卿  
逆於境晉侯郊勞館諸宗廟饋九牢設庭燎及  
期命於武宮設桑主布几筵大宰涖之晉侯端  
委以入大宰以王命命冕服內史贊之三命而  
後即冕服既畢賓饗贈餞如公命侯伯之禮而  
加之以宴好內史興歸以告王曰晉不可不善  
也其君必霸逆王命敬奉禮義成敬王命順之  
道也成禮義德之則也則德以道諸侯諸侯必  
歸之且禮所以觀忠信仁義也忠所以分也仁

受天地之中  
所以示心言所以

受天地之中  
以生所謂命  
也是以有動  
作禮義威儀  
之則以定命  
也中即是忠  
分即是則且  
此篇文義亦  
全與內傳相  
合一取焉一  
取焉均得定  
命之法

所以行也信所以守也義所以節也忠分則均  
仁行則報信守則固義節則度分均無怨行報  
無匱守固不偷節度不攜若民不怨而財不匱  
令不偷而動不攜其何事不濟中能應外忠也  
施三服義仁也守禮不瀆淫信也行禮不疚義也  
臣入晉境四者不失臣故曰晉侯其能禮矣王  
其善之樹於有禮艾人必豐王從之使於晉者  
道相建也及惠后之難王出在鄭晉侯納之襄  
王十六年立晉文公二十一年以諸侯朝於衡

雖且獻楚捷遂為踐土之盟於是乎始霸

開封府推官唐暉校刻

浙江圖書館

國語口法題新卷之二

國語髓析卷之二

東蒙公 薦

古燕吕邦耀同批評

崑山葛錫璠

館 勾甬董光宏同校正

周語中

書

襄王十三年鄭人伐滑王使游孫伯請滑鄭人

執之王怒將以翟伐鄭富辰諫曰不可人有言

題與內史過論晉侯

曰兄弟讒閱侮人百里周文公之詩曰兄弟閱

於牆外禦其侮若是則閱乃內侮而雖閱不敗

親也鄭在天子兄弟也鄭武莊有大勲力於平

以上三句意三折諸篇多此類

相凡我之東遷晉鄭是依子積之亂又鄭之由

定今以小忿棄之是以小怨置大德也無乃不

可乎且夫兄弟之怨不徵於它轉徵於它利句法乃外

矣章怨外利不義棄親即翟不祥以怨報德不

仁夫義所以生利也祥所以事神也仁所以保

民也不義則利不阜不祥則福不降不仁則民

不至古之明王不失此三德者故能光有天下

而餘寧百姓令聞不忘王其不可以棄之王不

聽

十七年王降翟師以伐鄭王德翟人將以其女

為后富辰諫曰不可夫先婚姻禍福之階也後論正義與內利內

則福由之利外則取禍今王外利矣其無乃階

禍乎昔摯疇之國也由大任祀繒由大妣齊許

申呂由大姜陳由大姬是皆能內利親親者也

昔鄢之亡也由仲任密須由伯姑鄆由叔妘聃

由鄭姬息由陳媯鄧由楚曼羅由季姬廬由蒍

媯是皆外利離親者也王曰利何如而內何如

而外對曰尊貴明賢庸勲長老愛親禮新親舊

則語

然則民莫不審固其心力以役上令官不易方而財不匱竭求無不至動無不濟百姓兆民夫入奉利而歸諸上是利之內也若七德離判民乃攜貳各以利邊上求不暨是其外利也夫翟無列於王室鄭伯南也王而卑之是不尊貴也翟豺狼之德也鄭未失周典王而蔑之是不明賢也平相莊惠皆受鄭勞主而棄之是不庸勲也鄭伯捷之齒長矣王而弱之是不長老也翟隗姓也鄭出自宣王王而虐之是不愛親也夫

禮新不間舊王以翟女間姜任非禮且棄舊也

變文

王一舉而棄七德臣故曰利外矣書有之曰必

有忍也若能有濟也王不忍小忿而棄鄭又登

叔隗以階翟翟封豕豺狼也不可厭也王弗聽

十八年王黜翟后翟人來誅殺譚伯富辰曰昔

吾驟諫王王弗從以及此難若我不出王其以

我爲懟乎乃以其屬死之初惠后欲立王子帶

故以其黨啓翟人翟人遂入周王乃出居於鄭

晉文公納之

周書

呂邦耀曰賈

謂王者葬禮

闕地通路曰

隧昭謂天子

有六隧掌責

賦諸侯則無

據下文隧義

韋說為是

晉文公既定襄王於郊王勞之以地辭請隧焉

王弗許曰昔我先王之有天下也規方千里以

為甸服以供上帝山川百神之祀以備百姓兆

民之用以待不庭不虞之患其餘以均分公侯

伯子男使各有寧宇以順及天地無逢其灾害

先王豈有賴焉丙官不過九御外官不過九品

足以供給神祇而已豈敢馱縱其耳目心腹以

亂百度亦唯是死生之服物采章以臨長百姓

而輕重布之王何異之有今天降禍灾於周室

而輕重布之至何異之有今天降神必力

余一人僅亦守府又不佞以勤叔父而班先王

之大物以賞私德其叔父實應且憎深一以非余一

人余一人豈敢有愛也先民有言曰改玉改行

叔父若能光裕微諷一悼大德更姓改物以創制天下自

顯庸也而縮取備物以鎮撫百姓余一人其流

辟於裔土何辭之與有若由是姬姓也尚將列

為公侯以復先王之職大物其未可改也叔父

其茂昭明德物將自至余敢以私勞變前之大

章以忝天下其若先王與百姓何何政令之為

呂邦耀曰王

氏紀聞以真

文忠文章正

宗取此篇為

首有感於寶

慶之臣不知

卷四

四

文忠有此意  
不然議論却  
嚴正

周語中

微風三轉

也。若不然，叔父有地而隧焉，余安能知之？文公遂不敢請受地而還。

王至自鄭，以陽樊賜晉文公。陽人不服，晉侯圍

之。倉葛呼曰：「王以晉君為德，故勞之以陽樊。陽

樊懷我王德，是以未從於晉。謂君其何德之布

以懷柔之，使無有遠志，今將大泯其宗，祊而蔑

殺其民人，宜吾不敢服也。夫三軍之所尋，將蠻

夷戎翟之驕逸，不虔於是乎。致武此羸者，陽也。

未狎君政，故臣承命。君若惠及之，唯官是徵，其

未狎君政故臣承命君若惠及之唯言是後其

敢逆命何足以辱師君之武震無乃玩而頓乎

臣聞之曰武不可覲文不可匿覲武無列匿文

不昭句法陽不承獲甸而祗以覲武臣是以懼不然

其敢自愛也且夫陽豈有裔民夫亦皆天子之

父兄甥舅也若之何其虐之也晉侯聞之曰是

君子之言也乃出陽民

溫之會晉人執衛成公歸之於周晉侯請殺之

王曰不可夫政自上下者也上作政而下行之

不逆故上下無怨今叔父作政而不行無乃不

呂邦耀曰李

氏世紀云桓

公會不邇三

川盟不加王

人文公會畿

內盟子虎矣

桓公寧不得  
鄭不納子華  
懼其獲臣抑  
君文公則為  
元咺執衛侯  
矣此天子所  
以有正議  
辨

可乎。夫君臣無獄。今元咺雖直不可聽也。君臣  
皆獄。父子將獄。是無上下也。而叔父聽之。一逆  
矣。又為臣殺其君。其安庸刑。布刑而不庸。再逆  
矣。一合諸侯而有再逆政。余懼其無後也。不然  
余何私於衛侯。晉人乃歸衛侯。

二十四年。秦師將襲鄭。過周北門。左右免胄而  
下。超乘者三百乘。王孫滿觀之。言於王曰。秦師  
必有譴。王曰。何故。對曰。師輕而驕。輕則寡謀。驕  
則無禮。無禮則脫。寡謀自陷。入險而脫。能無敗。

乎秦師無譴是道廢也是行也秦師還晉人敗  
諸殺獲其三帥丙術視

晉侯使隨會聘於周定王饗之殺烝原公相禮  
范子私於原公曰吾聞王室之禮無毀折今此  
何禮也王見其語也召原公而問之原公以告  
王召士季曰子弗聞乎禘郊之事則有全烝王  
公立飲則有房烝親戚宴饗則有殺烝今女非  
它也而叔父使士季實來修舊德以獎王室唯  
是先王之宴禮欲以貽女余一人敢設飲禘焉

忠非親禮而干舊職以亂前好且唯夫戎翟則

有體薦夫戎翟冒沒輕儻貪而不讓其血氣不

治若禽獸焉其適來班貢不俟馨香嘉味故坐

諸門外而使告人體委與之女今我王室之一

二兄弟以時相見將齎協典禮以示民訓則無

亦擇其柔嘉選其馨香潔其酒醴品其百籩修

其簠簋奉其犧象出其尊彝陳其鼎俎靜其中

纂敬其祓除體解節折而共飲食之於是乎有

拆俎加豆酬幣宴貨以示容合好胡有不然其

句法

效戎翟也。夫王公諸侯之有飫也，將以講事成章，建大德，昭大物也。故立成禮，烝而已。飫以顯物，宴以食好。歲飫不倦，時宴不淫。月會旬修，日完不忘。服物昭庸，采飾顯明。文章比象，周旋序順。容貌有崇，威儀有則。五味實氣，五色精心。五聲昭德，五義紀宜。飲食可饗，餼同可觀。財用可嘉，則順而建德。古之善禮者，將焉用全。烝武子遂不敢對而退歸，乃講聚三代之典禮，於是乎修執秩以爲晉法。

公為曰司空

即六卿之司

空蓋道略乃

冬官之事註

云卿官非也

呂邦耀曰議

論敘事之文

逐段一體逐

句一法峻峭

錯落精切緊

嚴西漢文字

定王使單襄公聘於宋遂假道於陳以聘於楚

以下敘事有議論

火朝覲矣道弗可行也候不在疆司空不視

塗澤不陂川不梁野有庾積場功未畢道無列

樹墾田若執膳宰不致餼司里不授館國無寄

寓縣無施舍民將築臺于夏氏及陳陳靈公與

孔寧儀行父南冠松以如夏氏留賓弗見單子歸

告王曰陳侯不有大咎國必亡王曰何故對曰

夫辰角見而雨畢天根見而水涸本見而草木

節解駟見而隕霜火見而清風戒寒故先王之

多備之實生  
治安策全西  
其格而氣色  
容古不及

教曰雨畢而除道水涸而成梁草木節解而備  
藏隕霜而冬裘具清風至而修城郭宮室故夏  
令曰九月除道十月成梁其時儆曰收而場功  
侍而畚揭營室之中土功其始火之初見其期於  
隸里此先王之所以不用財賄而廣施德於天  
下者也今陳國火朝覲矣而道路若塞野場若  
棄澤不陂障川無舟梁是廢先王之教也周制  
有之曰列樹以表道立鄙食以守路國有郊牧  
量有寓望藪有圃草囿有林池所以禦灾也其

餘無非穀土。民無縣耜野無輿草。不奪民時。不  
蔑民功。有優無匱。有逸無罷。國有班事。縣有序。  
民。今陳國道路不可知。田在草閒。功成而不收。  
民罷於逸樂。是棄先王之法制者也。周之秩官  
有之曰。敵國賓至。關尹以告。行理以節。逆之。候  
人為導。卿出郊勞。門尹除門。宗祝執祀。司里授  
館。司徒具徒。司空視塗。司寇詰姦。虞人入材。甸  
人積薪。火師監燎。水師監濯。膳宰致饗。廩人獻  
餼。司馬陳芻。工人展車。百官官以物至。賓入如

歸是故小大莫不懷愛其貴國之賓至則以班  
加一等益虔至於王使則皆官正涖事上卿監  
之若王巡守則君親監之今雖朝也不才有分  
族於周承王命以爲過賓於陳而司事莫至是  
蔑先王之官也先王之令有之曰天道賞善而  
罰淫故凡我造國無從非彝無卽悖淫各守爾  
典以承天休今陳侯不念胤續之常棄其伉儷  
妃嬪而帥其卿佐以淫於夏氏不亦瀆姓矣乎  
陳我大姬之後也棄衮冕而南冠以出不亦簡

彝乎是又犯先王之令也。昔先王之教，茂帥其德也，猶恐隕越。若廢其教而棄其制，蔑其官而犯其令，將何以守國。居大國之間而無此四者，其能久乎。六年，單子如楚。八年，陳侯殺於夏氏。九年，楚子入陳。

定王八年，使劉康公聘於魯，發幣於大夫季文

子、孟獻子，皆儉。叔孫宣子、東門子家皆侈。歸，王

問魯大夫孰賢，對曰：季孟其長處魯乎，叔孫東

門其亡乎。若家不亡，身必不免。王曰：何故？對曰：

爲叔宣子張本

臣聞之雙提後四爲臣必臣爲君必君寬肅宣惠君也敬

恪恭儉臣也寬所以保本也肅所以濟時也宣

所以教施也惠所以和民也本有保則必固時

動而濟則無敗功教施而宣則徧惠以和民則

阜若本固而功成施備而民阜乃可以長保民

矣其何事不徹敬所以承命也恪所以守業也

恭所以給事也儉所以足用也以敬承命則不

違以恪守業則不懈以恭給事則寬於死以儉

足用則遠於憂若承命不違守業不懈寬於死

而遠於憂則可以上下無隙矣其何任不堪上  
任事而微下能堪其任所以爲令聞長世也今  
夫二子者<sup>事理</sup>儉則能足用矣用足則族可以庇二  
子者侈侈則不恤匱匱而不恤憂必及之若是  
則必廣其身且夫人臣而侈國家弗堪亡之道  
也王曰幾何對曰東門之位不若叔孫而泰侈  
焉不可以事二君叔孫之位不若季孟而亦泰  
侈焉不可以事三君若皆蚤世猶可若登年以  
載其壽必亡十六年魯宣公卒赴者未及東門

氏來告亂子家奔齊簡王十一年魯叔孫宣伯

亦奔齊成公未沒二年

首尾雙開相對

簡王八年魯成公來朝使叔孫僑如先聘且告

見王孫說與之語說言於王曰魯叔孫之來也

必有異焉其享覲之弊薄而言諂殆請之也若

轉

請之必欲賜也魯執政唯強句法故不歡焉而後遣

之且其狀方上而銳下宜觸冒人王其勿賜若

貪陵之人來而盈其願是不賞善也且財不給

故聖人之施舍也議之其喜怒取予也亦議之

是以不主寬惠亦不主猛毅主德義而已王曰

諾使私問諸魯應請之也王遂不賜禮如行人及

魯侯至旁及他人借客形主法仲孫蔑為介王孫說與之語說讓說以

語王王厚賄之

晉既克楚於鄆使卻至告慶於周未將事王叔

簡公飲之酒交酬好貨皆厚飲酒宴句法語相說也

明日王叔子譽諸朝卻至見召桓公與之語連召

公以告單襄公曰王叔子譽連濫季以為必相連晉

國句法相晉國必大得諸侯勸二三君子必先導焉

國於晉國必大得計侯藉二三君子必先謀  
可以樹。今夫子見我以晉國之克也爲已實謀

之曰微我晉不戰矣楚有五敗晉不知乘我則

按此句波瀾且有源委

強之背宋之盟一也薄德而以地賂諸侯二也

棄壯之良而用幼弱三也建立卿士而不用其

言四也夷鄭從之三陳而不整五也寡不由晉

晉得其民四軍之帥旅方剛卒伍治整諸侯

與之是有五勝也有辭一也得民二也軍帥疆

禦三也行列治整四也諸侯輯睦五也有一勝

猶足用也有五勝以伐五敗而避之者非人也

公孫曰戰也

微謀言不獨

戰之謀由我

而决且更別

有三伐也註

云微無也言

軍無計謀意

似未明

曰邦耀口通

篇代人說話

支法若卻至

在面前辭令

神品

不可以不戰。欒范不欲，我則強之戰而勝，是吾

力也。且夫戰也，微謀。吾有三伐，勇而有禮，反之

以仁。吾三逐楚君之卒，勇也。見其君必下而趨

禮也。能獲鄭伯而赦之，仁也。若是而知晉國之

政，楚越必朝。吾曰：子則賢矣，抑晉國之舉也。不

失其次，吾懼政之未及子也。謂我曰：夫何次之

有？昔先大夫荀伯自下軍之佐，以政趙宣子，未

有軍行而以政。今欒伯自下軍往，是三子也。吾

又過於四之無不及。若佐新軍而升為政，不亦

呂邦燿曰敵  
不必體敵勢  
相齊等皆是  
即作敵國之  
敵亦可所謂  
軍禮也夫敵

可乎將必求之是其言也君以為奚若襄公曰  
人有言曰兵在其頸其郤至之謂乎君子不自  
稱也非以讓也惡其蓋人也夫人性陵上者也  
不可蓋也求蓋人其抑下滋甚故聖人貴讓且  
諺曰獸惡其網民惡其蓋書曰民可近也而不  
可上也詩曰愷悌君子求福不回在禮敵必三  
讓是則聖人知民之不可加也故王天下者必  
先諸民然後庇焉則能長利今郤至在七人之  
下而欲上之是求蓋七人也其亦有七怨怨在

尚有三讓則  
他事可知矣

小醜猶不可堪而況在侈卿乎其何以待之晉  
之克也夫有惡於楚也故倣之以晉而郤至佻  
天以爲已力不亦難乎佻天不祥乘人不義不  
祥則天棄之不義則民畔之且郤至何三伐之  
有夫仁禮勇皆民之爲也以義死用謂之勇奉  
義順則謂之禮畜義豐功謂之仁姦仁爲佻姦  
禮爲羞姦勇爲賊夫戰盡敵爲上守餘同順義  
爲上故制戎以果毅制朝以序成畔戰而擅舍  
鄭君賊也棄毅行容羞也畔國卽讐佻也有三

姦以求替其上、遠於得政矣、以吾觀之、兵在其  
頸、不可久也、雖吾王叔、未能違難、在大誓曰、民  
之所欲、天必從之、王叔欲卻、至能勿從乎、卻至  
歸、明年死難、及伯輿之獄、王叔陳生奔晉

開封府推官唐暉校刻

浙江



浙江圖書館



Faint vertical text bleed-through from the reverse side of the page, including characters like '浙江圖書館' and '序言'.

國語髓析卷之三



東蒙公 厲

古燕呂邦燿同批評

崑山葛錫璠

勾甬董光宏同校正

周語下

書

柯陵之會單襄公見晉厲公視遠步高晉鄉錡

先敘其實後却開論餘多倣此

見單子其語犯卻欒見其語透卻至見其語伐

齊國佐見其語盡魯成公見言及晉難及卻欒

之譖單子曰君何患焉晉將有亂其君有三卻

其當之乎魯侯曰寡人懼不免於晉今君曰將

呂邦耀曰議  
論章句與內  
傳叔向論單  
字意同

有亂敢問天道乎抑人故也對曰吾非瞽史焉  
知天道吾見晉君之容而聽三郤之語矣殆必

禍者也夫君子目以定體足以從之是以觀其  
容而知其心矣目以處義足以步目今晉侯視

遠而足高目不在體而足不步目其心必異矣  
目體不相從何以能久夫合諸侯國之大事也

於是乎觀存亡故國將無咎其君在會步言視

聽必皆無謫則可以知德矣視遠日絕其義足

高日棄其德言爽日反其信聽淫日離其名夫

加言聽文面問廣又後為爽二張



於形動之間  
占何聲之不  
終也但報應  
渺茫機緘微  
妙謂人未必  
一一如此而  
應也則可若  
必單字之語  
諳其為迂之  
大者則謬矣

公孫曰言無  
長一息又五日  
羅傳無若是  
之明切者大  
凡言遠之人

於晉而鄰於齊齊晉有禍可以取伯無德之患  
何憂於晉且夫長翟之人利而不義其利淫矣  
流之若何魯侯歸乃逐叔孫僑如簡王十一年  
諸侯會於柯陵十二年晉殺三郤十三年晉侯  
殺於翼東門葬以車一乘齊人殺國武子  
晉孫談之子周適周事單襄公立無跋視無還  
聽無聳言無遠言敬必及天言忠必及意言信  
必及身言仁必及人言義必及利言知必及事  
言勇必及制言教必及辯言孝必及神言惠必

不惟... 實見之為... 天... 公... 孫... 談... 子... 周... 適... 周... 事... 單... 襄... 公... 立... 無... 跋... 視... 無... 還... 聽... 無... 聳... 言... 無... 遠... 言... 敬... 必... 及... 天... 言... 忠... 必... 及... 意... 言... 信... 必... 及... 身... 言... 仁... 必... 及... 人... 言... 義... 必... 及... 利... 言... 知... 必... 及... 事... 言... 勇... 必... 及... 制... 言... 教... 必... 及... 辯... 言... 孝... 必... 及... 神... 言... 惠... 必...

不惟實之為  
累其中必多  
冥然無主者  
也

呂邦耀曰據  
敘事及單襄  
公之論即堯  
之安安舜之  
玄德亦不過  
是所謂從容  
中道之聖人  
也晉悼雖賢  
恐未必及此

及。辭。言讓必及敵。晉國有憂未嘗不戚。有慶未嘗不怡。襄公有疾召頃公而告之曰。必善晉。周將得晉國。其行也文。能文則得天地。天地所胙小而後國。夫敬文之恭也。忠文之實也。信文之孚也。仁文之愛也。義文之制也。知文之輿也。勇文之帥也。教文之施也。孝文之本也。惠文之慈也。讓文之材也。象天能敬。帥意能忠。思身能信。愛人能仁。利制能義。事建能知。帥義能勇。施辯能教。昭神能孝。慈和能惠。推敵能讓。此十一者

夫子皆有焉。天六地五數之常也。經之以天緯之以地。經緯不爽。文之象也。文王質文。故天胙之以天下。夫子被之矣。其昭穆又近。可以得國。且夫立無跛。正也。視無還端也。聽無聳成也。言無遠慎也。夫正德之道也。端德之信也。成德之終也。慎德之守也。守終純固。道正事信。明令德矣。慎成端正德之相也。爲晉休戚。不背本也。被文相德。非國何取。成公之歸也。吾聞晉之筮之也。遇乾之否。白配而不終。君三出焉。一旣往矣。

後之不知其次必此且吾聞之成公之生也其  
母夢神規其臀以墨白使有晉國三而異驩之  
孫故名之曰黑臀於今存矣襄公曰驩此其孫  
也而令德孝恭非此其誰且其夢曰必驩其孫  
實有晉國其卦曰必三取君於周其德又可以  
君國三襲焉吾聞之大誓故曰朕夢協于朕卜  
襲于休祥戎商必克以三襲也晉仍無道而鮮  
冑其將失之矣必蚤善晉子其當之也頃公許  
諾及厲公之亂召周子而立之是爲悼公

公肩曰此篇

國語文最佳

處乃大長篇

之法首尾雙

開波瀾重疊

呂邦耀曰據

太子晉之諫

足徵靈王失

德是一層大

議論文字

厚以為小子

說說不得其

解

靈王二十二年穀洛鬪將毀王宮王欲壅之大

子晉諫曰不可晉聞古之長民者不墮山不崇

藪不防川不竇澤夫山土之聚也藪物之歸也

川氣之導也澤水之鍾也夫天地成而聚於高

歸物於下長而不萎疏為川谷以導其氣陂唐汚庫以鍾

其美是故聚不隤崩而物有所歸氣不沈滯而

亦不散越是以民生有財用而死有所葬然則

無天昏劓瘡之憂而無饑寒乏匱之患故上下

能相固以待不虞古之聖王唯此之慎晉共工

棄此道也。虞於湛樂淫失其身，欲壅防百川，墮高堙庫以害天下。皇天弗福，庶民弗助，禍亂並興。共工用殛，其在有虞。有密伯、鯀、播其淫心，稱遂共工之過。堯用殛之於羽山。其後伯禹念前之非度，釐改制量，象物天地比類，百則儀之于民而度之於群生，共之從孫四岳佐之。高高下下，䟽川道滯，鍾水豐物，封崇九山，決汨九川，陂障九澤，豐殖九藪，汨越九原，宅居九隩，合通四海。故天無伏陰，地無散陽，水無沈氣，火無災燁。

神無間行。民無淫心。時無逆數。物害無生。帥象  
禹之功。度之于軌儀。莫非嘉績。克厭帝心。皇天  
嘉之。胙以天下。賜姓曰姒。氏曰有夏。謂其能以  
嘉祉殷富生物也。胙四岳國。命爲侯伯。賜姓曰  
姜。氏曰有呂。謂其能爲禹股肱心膂。以養物豐  
民人也。此一王四伯。豈繫多寵。皆亡王之後。唯  
能釐舉嘉義。以有胤在下。守祀不替。其典有夏。  
雖衰杞鄩猶在。申呂雖衰。齊許猶在。唯有嘉功。  
以命姓受祀。迄於天下。及其失之也。必有昭淫。

呂邦耀曰二  
段文氣與內  
傳晏子論誅  
祝史二段相  
類亦與神降  
于莘篇同

之心閒之故亡其氏姓踣弊不振絕後無主堙

替隸圉夫亡者豈繫無寵皆黃炎之後也唯不

帥天地之度不順四時之序不度民神之義不

儀生物之則以殄滅無胤至於今不祀及其得

之也必有忠信之心閒之度於天地而順於時

動齋於民神而儀於物則故高朗令終顯融昭

明命姓受氏而附之以令名若啓先王之遺訓

省其典圖刑法而觀其廢興者皆可檢收知也其興

者上意必有夏呂之功焉其廢者必有共鯀之敗焉

今吾執政無乃實有所避而滑夫二川之神使

至於爭明以妨王宮王而飾之無乃不可乎人

有言曰無過亂人之門又曰佐雖者嘗焉佐鬪

者傷焉又曰禍不好不能為禍詩曰四牡騤騤

旗旒有翩亂生不夷靡國不泯又曰民之貪亂

寧為荼毒夫見亂而不惕所殘必多其飾彌章

民有怨亂猶不可遏而況神乎王將防鬪川以

飾宮是飾亂而佐鬪也其無乃章禍且遇傷乎

自我先王厲宣幽平而貪天禍至於今未彌我

公孫曰據諸書多稱宣王

為中興之賢

君而國語獨

屢言其非賢

何也夫宣王

一傳而幽王

滅丹傳而平

王東何其無

道澤餘烈乎

則國語之說

豈有據矣

又章之懼長及子孫王室其愈卑乎其若之何

自后稷以來寧亂及文武成康而僅克安民自

后稷之始基靖民十五至而文始平之十八王

而康克安之其難也如是厲始革典十四王矣

基德十五而始平基禍十五其不濟乎吾朝夕

微懼曰其何德之修而少光王室以逆天休王

又章輔禍亂將何以堪之王無亦鑒於黎苗之

王下及夏商之季上不象天而下不儀地中不

齎民而方不順時不共神祇而蔑棄五則是以

七

人夷其宗廟而火焚其彝器子孫為隸下夷於  
 民而亦未觀夫前哲令德之則則此五者而受  
 天之豐福饗民之勲力子孫豐厚令聞不忘是  
 皆天子之所知也天所崇之子孫或在畎畝由  
 欲亂民也畎畝之人或在社稷由欲靖民也無  
 有異焉詩云殷鑒不遠近在夏后章法之世將焉用  
 飾宮以徼亂也度之天神則非祥也變上五句比之地物  
 則非義也類之民則則非仁也法且檢申之方  
 順也咨之前訓則非正也觀之詩書與民之憲

言皆亡王之爲也。上下儀之無所比度。王其圖

又申前意不見重復而益有味致

之。夫事大不從象，小不從文，上非天刑，下非地

德，中非民則方，非時動而作之者，必不節矣。作

轉更委婉

又不節害之道也。王卒壅之，及景王多寵人，亂

於是乎始生。景王崩，王室大亂，及定王，王室遂

卑。

晉羊舌肸聘於周，發幣於大夫，及單靖公。靖公

享之，儉而敬，賓禮。贈餞視其上而從之。燕無私，

送不過郊。語說昊天有成命，單之老送叔向，叔

向告之曰異哉吾聞之曰一姓不再興今周其

興乎其有單子也

句法

昔史佚有言曰動莫若敬居

莫若儉德莫若讓事莫若咨單子之況我禮也

句法

皆有焉夫宮室不崇器無彤鏤儉也身聳除潔

外內齊給敬也宴好享賜不踰其上讓也賓之

禮事放上而動咨也如是而加之以無私重之

以不殺能辟怨矣居儉動敬德讓事咨而能辟

怨以爲鄉佐其有不興乎且其語說昊天有成

命頌之盛德也其詩曰昊天有成命二后受之

成王不敢康夙夜基命宥密緝熙亶厥心肆其  
靖之是道成王之德也成王能明文昭能定武  
烈者也夫道成命者而稱昊天翼其上也二后  
受之讓於德也成王不敢康敬百姓也夙夜恭  
也基始也命信也宥寬也密寧也緝明也熙廣  
也亶厚也肆固也靖肅也其始也翼上德讓而  
敬百姓其中也恭儉信寬帥歸於寧其終也廣  
厚其心以固肅之始於德讓中於信寬終於固  
肅故曰成單子儉敬讓谷以應成德單若不興

子孫必蕃，後世不忘。詩曰：其類維何？室家之壺。  
君子萬年永錫，祚胤類也。者不忝前哲之謂也。  
壺也者，廣裕民人之謂也。萬年也者，令聞不忘  
之謂也。祚胤也者，子孫蕃育之謂也。單子朝夕  
不忘成王之德，可謂不忝前哲矣。膺保明德以  
佐王室，可謂廣裕民人矣。若能類善物以混厚  
民人者，必有章譽蕃育之祚，則單子必當之矣。  
單若有關，必茲君之子孫實續之，不出於它矣。  
景王二十一年，將鑄大錢，單穆公曰：不可。古者

天災降戾於是乎量資幣權輕重以振救民民  
患輕則爲之作重幣以行之於是乎有母權子  
而行民皆得焉若不堪重則多作輕而行之亦  
不廢重於是乎有子權母而行小大利之今王  
廢輕而作重民失其資能無匱乎若匱王用將  
有所乏乏則將厚取於民民不給將有遠志是  
離民也且夫備有未至而設之有至而後救之  
是不相入也可先而不備謂之怠可後而先之  
謂之召災周固羸國也天未厭禍焉而又離民

以佐災無乃不可乎又申將民之與處而離之將災

是備禦而召之則何以經國又申無經何以出令

令之不從上之患也故聖王樹德於民以除之

夏書有之曰關石龡均王府則有詩亦有之曰

瞻彼旱鹿榛楛濟濟愷悌君子干祿愷悌夫旱

鹿之榛楛殖故君子得以易樂干祿焉若夫山

林匱竭林鹿散亡藪澤肆旣民力彫盡田疇荒

蕪資用乏匱君子將險哀之不暇而何易樂之

有焉且絕民用以實王府猶塞川原而為橫污

古邦耀曰柳

子厚作駁復

鑿言議用此文

法大抵柳氏

之文得之國

語者多之而反  
非之蓋以揜  
古而彰彰也  
可謂得子忘  
母矣然其非  
國語諸篇又  
亦有粗俗牽  
強絕無意味  
者豈真非子  
厚之筆耶是  
元獻宋景公  
之說當自有  
據

也其竭也無日矣若民離而財匱災至而備  
王其若之何吾周官之於災備也其所怠棄者  
多矣而又奪之資以益其災是去其藏而翳其  
人也王其圖之王弗聽卒鑄大錢

二十三年王將鑄無射而爲之大林單穆公曰

篇法

不可作重幣以絕民資又鑄大鐘以鮮其繼若  
積聚既喪又鮮其繼生何以殖且夫鍾不過以  
動聲若無射有林耳不及也夫鐘聲以爲耳也  
耳所不及非鍾聲也猶目所不見不可以爲目

也夫目之察度也不過步武尺寸之間其察色  
也不過墨丈尋常之間耳之察齟也在清濁之  
間其察清濁也不過一人之所勝是故先王之  
制鍾也大不出鈞重不過石律度量衡於是乎  
生小大器用於是乎出故聖人慎之今王作鍾  
也聽之弗及比之不度鍾聲不可以知齟制度  
不可以出節無益於樂而鮮民財將焉用之夫  
樂不過以聽耳而美不過以觀目若聽樂而震  
觀美而眩患莫甚焉夫耳目心之樞機也故必

呂邦燿曰單  
湯公從外說

進來精研其

體冷州馮從

內說出去通

無敷其用

聽齟而視正聽齟則聰視正則明聰則言聽明  
則德昭聽言昭德則能思慮純固以言德於民  
民歆而德之則歸心焉上得民心以殖義方是  
以作無不濟求無不獲然則能樂夫耳內齟聲  
而口出美言以為憲令而布諸民正之以度量  
民以心力從之不倦成事不貳樂之至也口內  
味而耳內聲聲味生氣氣在口為言在目為明  
言以信名明以時動名以成政動以殖生政成  
生殖樂之至也若視聽不齟而有震眩則味入

不精不精則氣佚氣佚則不齎於是乎有狂悖  
 之言有眩惑之明有轉易之名有過慝之度出  
 令不信刑政放紛動不順時民無據依不知所  
 办各有離心上失其民作則不濟求則不獲其  
 何以能樂樂字前後相應三年之中而有離民之器二焉國其  
 危哉王弗聽問之伶州鳩對曰臣之守官弗及  
 也臣聞之琴瑟尚宮鍾尚羽石尚角匏竹利制  
 犬不踰宮細不過羽夫宮音之主也第以及羽  
 聖人保樂而愛財財以備器樂以殖財故樂器

聖人保樂而愛財財以備器樂以禮財故樂器

重者從細輕者從大是以金尚羽石尚角瓦絲  
尚宮匏竹尚議革木一聲夫政象樂樂從和和  
從平聲以龠樂律以平聲金石以動之絲竹以  
行之詩以道之歌以詠之匏以宣之瓦以贊之  
革木以節之物得其常曰樂極極之所集曰聲  
聲應相保曰龠細大不踰曰平如是而鑄之金  
磨之石繫之絲木越之匏竹節之鼓而行之以  
遂八風於是乎氣無滯陰亦無散陽陰陽序次  
風雨時至嘉生繁祉人民龠利物備而樂成上

下不罷故曰樂正今細過其主妨於正用物過  
度妨於財正害財匱妨於樂細抑大陵不容於  
耳非齟也聽聲越遠非平也妨正匱財聲不齟  
平非宗官之所司也夫有齟平之聲則有蕃殖  
之財於是乎道之以中德詠之以中音德音不  
愆以合神人神是以寧民是以聽若夫匱財用  
罷民力以逞淫心聽之不齟比之不度無益於  
教而離民怒神非臣之所聞也王不聽卒鑄大  
鍾二十四年鍾成伶人告齟王謂伶州鳩曰鍾

呂邦耀曰宰  
金月與與離  
民之器二焉  
相應

呂邦耀曰此  
皆當與內傳  
鄭子亥子昭子  
自名官之篇  
參看練格布  
勢纒出一法

果齋對曰未可知也王曰何故對曰上作器  
民偷樂之則為齋今財亡民罷莫不怨恨臣不  
知其齋也且民所曹好鮮其不濟也其所曹惡  
鮮其不廢也故諺曰衆心成城衆口鑠金今三  
年之中而害金月興焉懼一之廢也王曰爾老  
耄矣何知二十五年王崩鍾不齋

王將鑄無射問律於伶州鳩對曰律所以立均

錯綜前後皆相應極有法文字

出度也古之神瞽考中聲而量之以制度律均

鍾百官軌儀紀之以三平之以六成於十二天

而內傳短不厭簡外傳長不厭煩各極其妙

之道也夫六中之色也故名之曰黃鍾所以宣養六氣九德也由是第之二曰大簇所以金奏贊陽出滯也三曰姑洗所以脩潔百物考神納賓也四曰蕤賓所以安靖神人獻酬交酢也五曰夷則所以詠歌九則平民無貳也六曰無射所以宣布哲人之令德示民軌儀也爲之六間以揚沈伏而黜散越也元間大呂助宣物也二間夾鍾出四隙之細也三間中呂宣中氣也四間林鍾和展百事俾莫不任肅純恪也五間南

呂贊陽秀也六閒應鍾均利器用俾應復也律  
呂不易無姦物也細鈞有鍾無罇昭其大也大  
鈞有罇無鍾甚大無罇鳴其細也大昭小鳴和  
之道也龠平則久久固則純純明則終終復則  
樂所以成政也故先王貴之王曰七律者何對  
曰昔武王代殷歲在鶉火月在天駟日在析木  
之津辰在斗柄星在天竈星與日辰之位皆在  
北維顛頊之所建也帝嚳受之我姬文章變化氏出自天  
竈及析木者有建星及牽牛焉則我皇妣大姜

之姪伯陵之後逢公之所馮神也歲之所在則  
我有周之分野也月之所在辰馬農祥也我太  
祖后稷之所經緯也王欲合是五位三所而用  
之自鶉及駟七列也南北之揆七同也凡神人  
以數合之以聲昭之數合聲龢然後可同也故  
以七同其數而以律龢其聲於是乎有七律王  
以二月癸亥夜陳未畢而雨以夷則之上宮畢  
之當辰辰在戌上故長夷則之上宮名之曰羽  
所以藩屏民則也王以黃鐘之下宮布戎于牧

之野故謂之厲所以厲六師也以大族之下宮  
布令於商昭顯文德底紂之多臯故謂之宣所  
以宣三王之德也反及羸內以無射之上宮布  
憲施舍於百姓故謂之羸亂所以優柔容民也  
景王既殺下門子賓孟適郊見雄雞自斷其尾  
問之侍者曰憚其犧也遽歸告王曰吾見雄雞  
自斷其尾而人曰憚其犧也吾以爲信畜矣人  
犧實難已犧何害抑其惡爲人用也乎則可也  
人異於是犧者實用人也王弗應田于鞏使公

卿皆從將殺單子，未克而崩。

敬王十年，劉文公與萇弘欲城成周，爲之告晉

魏獻子爲政，說萇弘而與之，將合諸侯，衛彪傒

適周聞之，見單穆公曰：萇劉其不沒乎？周詩有

之曰：天之所支，不可壞也；其所壞，亦不可支也。

昔武王克殷而作此詩也，以爲飮歌，名之曰支。

以遺後之人，使永監焉。天禮之立成者，爲飮，昭

明大節而已。少曲與焉，是以爲之日惕，其欲教

民戒也。然則夫支之所道者，必盡知天地之爲

呂邦耀曰黨  
錮紛紛講是

非當時名士

見精微可憐

竇武陳蕃輩

欲與天爭漢

鼎歸此玉荆

公議論也雖

然與其問鼎

也無寧爭鼎

善哉張睢陽

曰未識人倫

焉知天道

公鶴曰水火

并諺曰二段

乃論壁語急

中緩也如子

叔聲伯論卻

也不然不足以遺後之人今長劉欲支天之所

壞不亦難乎自幽王而天奪之明使迷亂棄德

而即憎淫以亡其百姓其壞之也久矣而又將

補之始不可矣水火之所犯猶不可救而況天

乎諺曰從善如登從惡如崩昔孔甲亂夏四世

而殞玄王勤商十有四世而興帝甲亂之七世

而殞后稷勤周十有五世而興幽王亂之十有

四世守府之謂多胡可興也夫周高山廣川大

藪也故能生之良材而幽王蕩以為魁陵糞土

月  
下  
七

擊中用譬言之如疾余恐

易焉二句如此類甚多可

見古人有意為文之妙

公孫曰成湯至契十四世

豈有文王后稷止十五世

之理此不待辨而知其誣

溝瀆其有悛乎。單子曰：其咎孰多？曰：長叔必速及。夫將以道補者也。夫天道道可而省，不長叔反，是以誑劉子，必有三殃。違天一也，反道二也，誑人三也。周若無咎，長叔必為戮。雖晉魏子亦將及焉。若得天福，其當身乎？若劉氏則必子孫實有禍。夫子而棄常法以從其私欲，用巧變以崇天災，勤百姓以為己名，其殃大矣。是歲也，魏獻子合諸侯之大夫於翟泉，遂田於大陸，焚而死。及范中行之難，萇弘與之晉人以為討，二十

句一折在三卷字

八年、穀、萇、弘、及定王劉氏亡。

開封府推官唐暉校刻

館

書

圖

汪





浙江圖書館

八  
年  
癸  
亥  
立  
武  
王  
愷  
立

國語髓析卷之四



東蒙公 鹵

古燕呂邦燿同批評

崑山葛錫璠

館 勺甫董光宏同校正

魯語上

書

呂邦燿曰柯

之盟公羊作

蕪目子穀梁作

曹劌史記作

曹沫說齋唐

氏曰諸侯棄

甲兵之讎為

盟會之事乃

於登壇且之後

長勺之後曹劌問所以戰於嚴公公曰余不愛  
衣食於民不愛牲玉於神對曰夫惠本而後民  
歸之志民和而後神降之福若布德於民而平  
均其政事君子務治而小人務力動不違時器  
不過用財用不匱莫不共祀是以用民無不聽

奮之首而劫國君賊天下之禮者非沫乎以賊禮之人並列以傳不亦謬哉然其對莊公之語則皆聖賢溫良易直之訓與行事大不相類也其又當以何者為信耶

求福無不豐今將惠以小賜祀以獨恭小賜不

咸獨恭不優不咸又中民弗歸也不優神弗福也將

何以戰夫民求不匱於財而神求優裕於享者

也故不可以不本公曰余聽獄雖不能察必以

情斷之對曰是則可矣夫苟中心圖民知雖不

及必將至焉

嚴公如齊觀社曹劌諫曰不可夫禮所以正民

也是故先王制諸侯使五年四王一相朝也終

則講於會以正班爵之義帥長幼之序訓上下

之則制財用之節其闕無由荒怠夫齊棄大公  
之法而觀民於社君爲是舉而往觀之非故業  
也何以訓民土發而社助時也收摛而烝納要  
也今齊社而往觀旅非先王之訓也天子祀上  
帝諸侯會之受命焉諸侯祀先王先公卿大夫  
佐之受事焉臣不聞諸侯之相會祀也祀句法又不  
法君舉必書書而不法後嗣何觀公不聽遂如  
齊

嚴公丹桓宮之楹而刻其桷匠師慶言於公曰

臣聞聖王公之先封者遺後之人法使無陷於  
惡其為後世昭前之令聞也使長監於世故能  
攝句法固不解以父今先君儉而君侈之令德替矣  
公曰吾屬欲美之對曰無益於君而替前之令  
德臣故曰庶可以已乎公弗聽

哀姜至公使大夫宗婦覲用幣宗人夏父展曰  
非故也公曰君作故對曰君作而順則故之逆  
則亦書其逆也臣從有司懼逆之書於後也故  
不敢不告夫婦贄不過棗栗以告虔也男則玉

案  
音案

曰邦燿曰賢  
者任事慷慨

帛禽鳥以章物也。今婦執幣是男女無別也。男  
女之別國之大節也。不可無也。公弗聽。

魯饑臧文仲言於嚴公曰。夫為四隣之援。結諸  
侯之信。重之以婚。姻申之以盟。誓固國之艱。急

是為鑄名器。藏寶財。固民之殄。病是待。今國病

矣。君蓋以名器請糴於齊。公曰。誰使對。曰。國有

饑饉。卿出告糴。古之制也。辰也。備卿。辰請如齊。

公使往。從者曰。君不命。吾子。吾子請之。其為選

事乎。文仲曰。賢者急病。而讓夷居官者。當事不

之心讀之令人三嘆

避難在位者恤民之患。是以國家無違。今我不  
如齊非急病也。在上不恤下。居官而惰。非事君  
也。文仲以鬯圭與玉磬如齊。告糴曰。天災流行  
戾於敝邑。饑饉薦降。民羸幾卒。大懼殄。周公大  
公之命祀職長句法。貢業事之不共。而獲戾不腆。先君  
之敝器。敢告滯積。以紓執事。以救敝邑。使能共  
職。豈唯寡君與二三臣實受君賜。其周公大公  
及百辟神祇實永饗而賴之。齊人歸其玉而予  
之糴。

吾邦耀曰此  
以下三篇俱  
似戰國策士  
口吻大抵左  
國二書為國  
策開路然亦  
其風會事勢  
相近使然也

曰邦耀曰馨  
內傳作馨二  
字古通用如

齊孝公來伐，臧文仲欲以辭告病焉。問於展禽，對曰：「獲聞之處，大教小處，小事大，所以禦亂也。不聞以辭，若為小而崇，以怒大國，使加已亂，亂在前矣。」辭其何益？文仲曰：「國急矣，百物唯其可者，將無不趨也。」願以子之辭行賂焉，其可乎？展禽使乙喜以膏沐犒師，曰：「寡君不佞，不能事疆場之司使，君盛怒，以暴露於敝邑之野，敢犒輿師。」齊侯見使者曰：「魯國恐乎？」對曰：「小人恐矣，君子則不。」公曰：「室如縣磬，野無青草，何恃而不恐？」

字杜作而解  
韋作必解韋  
說焉是

對曰恃二先君之所職業昔者成王命我先君  
周文公及齊先君大公曰女股肱周室以夾輔  
先王賜女土地質之以犧牲世世子孫無相害  
也今君來討敝邑之罪其亦使聽從而釋之必  
不泯其社稷豈其貪壤地而棄先王之命其何  
以鎮撫諸侯恃此以不恐齊侯乃許爲平而還  
溫之會晉人執衛成公歸之於周使醫鳩之不  
死醫亦不誅臧文仲言於僖公曰夫衛君殆無  
罪矣刑五而已無有隱者隱乃諱也大刑用甲

兵其次用斧鉞。中刑用刀鋸。其次用鑕笮。薄刑用鞭朴。以威民也。故大者陳之原野。小者致之市朝。五刑三次。是無隱也。今晉人鳩衛侯不死。亦不討其使者。諱而惡殺之也。有諸侯之請。必免之。臣聞之。班相恤也。故能有親。夫諸侯之患。諸侯恤之。所以訓民也。君盍請衛君。以示親於諸侯。且以動晉。夫晉新得諸侯。使亦曰魯不棄其親。其亦不可以惡。公說行。王二十。穀乃免衛侯。自是晉聘於魯。加於諸侯一等。爵同則厚其

好貨衛侯聞其臧文仲之爲也使納賂焉辭曰  
外臣之言不越境不敢及君

晉文公解曹地以分諸侯僖公使臧文仲往宿  
於重館重館人告曰晉始伯而欲固諸侯故解  
有罪之地以分諸侯諸侯莫不望分而欲親晉  
皆將爭先晉不以故班亦必親先者吾子不可  
以不速行魯之班長而又先諸侯其誰望之若  
少安恐無及也從之獲地於諸侯爲多反旣復  
命爲之請曰地之多也重館人之力也臣聞之

公孫曰雜縣

爰居之異名

漢元帝時瑯

琊有大鳥如

馬駒時人謂

之爰居

呂邦燿曰此

篇亦與郊子

論官名篇格

法相類細看

始得

曰善有章雖賤賞也惡有釁雖貴罰也今一言

而辟境其章大矣請賞之乃出而爵之

海鳥曰爰居止於魯東門之外二日臧文仲使

國人祭之展禽曰越哉臧孫之為政也夫祀國

之語一轉大節也而節政之所成也故慎制祀以為國

典今無故而加典非政之宜也夫聖王之制祀

也法施於民則祀之以死勤事則祀之以勞定

國則祀之能禦大災則祀之能扞大患則祀之

非是族也不在祀典昔烈山氏之有天下也其

子曰柱能殖百穀百蔬夏之興也周棄繼之故  
 祀以為稷共工氏之伯九有也其子曰后土能  
 平九土故祀以為社黃帝能成命百物以明民  
 共財顓頊能修之帝嚳能序三辰以固民堯能  
 單均刑法以儀民舜勤變文民事而野死鯀鄣洪水  
 而殛死禹能變文以德修鯀之功契為司徒而民輯  
 冥勤其官而水死湯以寬治民變文而除其邪稷勤  
 百穀而山死文王變文以文昭武王變文去民之穢故有  
 虞氏禘黃帝而祖顓頊郊堯而宗舜夏后氏禘

黃帝而祖顓頊。郊鯀而宗禹。商人禘舜而祖契。

郊冥而宗湯。周人禘嚳而郊稷。祖文王而宗武

王。慕能帥顓頊者也。變章法上段禘郊字在此前此段報字在後變文之法有虞氏報焉。禘能帥禹者

也。夏后氏報焉。上甲微能帥契者也。商人報焉。

高圉大玉能帥稷者也。周人報焉。凡禘郊宗祖

報此五者國之典祀也。加之又開以社稷山川之神

皆有功烈於民者也。及前哲令德之人所以為

明質也。及天之三辰民所以瞻仰也。及地之五

行所以生殖也。及九州名山川澤所以出財用

也。非是松收不在祀典。今海鳥至已不知而祀之以

為國典，難以結上為仁。且知矣。夫仁者講功而知者

處物無功而祀之，非仁也。不知而不問，非知也。

今茲海其有災乎？夫廣川之鳥獸，怕知而避其

災也。是歲也，海多大風，冬煖。文仲聞柳下季之

言曰：信吾過也。季子之言不可不法也。使書以

為三箴。

浙

文公欲弛孟文子之宅，使謂之曰：吾欲利子於

外之寬者，對曰：夫位政之建也，署位之表也，車

服表之章也。宅章之次也。祿次之食也。君議五  
者以建政爲不易之故也。今有司來命易臣之  
署與其車服而曰將易而次爲寬利也。夫署所  
以朝夕虔君命也。臣立先臣之署服其車服爲  
利故而易其次。是辱君命也。不敢聞命若罪也。  
則請納祿與車服而違署。唯里人之所命。次公  
弗取。臧文仲聞之曰。孟孫善守矣。其可以蓋穆  
伯而守其後於魯乎。公欲弛。郈敬子之宅亦如  
之。對曰。先臣惠伯以命於司里。嘗禘烝享之所。  
長句法

致君胙者有數矣。出入受事之幣以致君命者亦  
有數矣。今命臣更次於外爲有司之以班命  
事也。無乃違乎。請從司徒以班徒次。公亦弗取。  
夏父弗忌爲宗。烝將躋。僖公宗有司曰。非昭穆  
也。曰。我爲宗伯。明者爲昭。其次爲穆。何常之有。  
有司曰。夫宗廟之有昭穆也。以次世之長幼。而  
等胄之親疏也。夫祀昭孝也。各致齊敬於其皇  
祖。昭孝之至也。故工史書世宗。祝書昭穆。猶恐  
其踰也。今將先明而後祖。自玄王以及主癸。莫

其踰也今將先明而後補自玄王以及主與莫

若湯自穆以及一土季莫若文武商周之烝也求

嘗躋湯與文武為踰也魯未若商周而改其常

無乃不可乎弗聽遂躋之展禽曰夏父弗忌必

有殃夫宗有司之言順矣信又未有明焉犯順

不祥逆法以逆訓民亦不祥違法易神之班亦不祥不明

而躋之亦不祥犯鬼道可法犯人道可法能無殃乎

侍者曰若有殃焉在抑刑戮也其天劓也曰未

可知也若血氣強固將壽寵得沒雖壽而沒不

為無殃既其葬也焚煙徹於上

呂邦耀曰此  
即左氏之誣

呂邦耀曰據  
史傳宣公全  
無可取處然  
里革之更書  
而勿誅則君  
臣皆是也其  
何摘之有焉

昔天子僕殺紀公以其寶來奔宣公使僕人以  
書命季文子曰夫莒天子不憚以吾故殺其君  
而以寶來其愛我甚矣為我予之邑今日必授  
無逆命矣里革遇之而更其書曰夫莒天子殺  
其君而竊其寶來不識窮困又求自適為我流  
之於夷今日必通無逆命矣明日有司復命公  
詰之僕人以里革對公執之曰違君命者女亦  
聞之乎對曰臣以死奮筆奚啻其聞之也臣聞  
之曰毀則者為賊掩賊者為臧竊寶者為執用

軌之財者爲姦。使君爲臧姦者，不可不去也。臣  
違君命者，亦不可不殺也。公曰：寡人實貪，非子  
之罪也，乃舍之。

宣公夏，濫於泗淵，里革斷其罟而棄之。曰：古者  
大寒降，土蟄發，水虞於是乎講，罟罾取名魚登  
川禽而嘗之，寢廟行，諸國人助宣氣也。鳥獸孕  
水蟲成，獸虞於是。禁置羅罝，魚鼈以爲夏槁。  
助生阜也。鳥獸成  
設穿鄂以實廟，商  
功用也。且夫山不槎櫟，澤

不伐天魚。禁鯤鮪獸。長麇麋鳥。翼鷖卵。蟲舍蚺。蠃蕃庶物也。古之訓也。今魚方別孕。不教魚長。又行網罟。貪無藝也。公聞之曰。吾過而里革匡我。不亦善乎。是良罟也。爲我句法得法。使有司藏之。使吾無忘。諗師存侍曰。藏罟不如寘里革於側之。不忘也。

子叔聲伯如晉。謝季文子郤犢欲與之邑。弗受也。歸鮑國謂之曰。子何辭苦成叔之邑。欲信讓邪。抑知其不可乎。對曰。吾聞之不厚其棟。不能

任重重莫如國棟莫如德夫苦成叔家欲任兩  
國而無大德其不存也亡無日矣譬之如疾余  
恐易焉苦成氏有三亡少德而多寵位下而欲  
上政無大功而欲大祿皆怨府也其君驕而多  
私勝敵而歸必立新家五轉五屈同意立新家不因民不能去  
舊因民非多怨民無所始為怨三府可謂多矣  
其身之不能定焉能予人邑鮑國曰我信不若  
子若鮑氏有釁吾不圖矣今子圖遠以讓邑必  
常立矣

晉人殺厲公，邊人以告成公。成公在朝，公曰：「臣殺其君，誰之過也？」大夫莫對。里革曰：「君之過也。夫君人者，其威大矣。失威而至於殺，其過多矣。且夫君也者，將牧民而正其邪者也。若君縱私回而棄民事，民旁有慝，無由省之。益邪多矣。若以邪臨民，陷而不振，用善不肯，專則不能，使至於殄滅而莫之恤也。將安用之？桀奔南巢，紂踣於京，厲汭於彘，幽滅於戲，皆是術也。夫君也者，民之川澤也，行而從之，美惡皆君之由，民何能為焉？」

事理

呂邦耀曰盜亦有道季氏之竊國柄也  
有自來矣况魯君世從其失乎有國者不可以不慎

季文子相宣成無衣帛之妾無食粟之馬仲孫  
它諫曰子爲魯上卿相二君矣妾不衣帛馬不  
食粟人其以子爲愛且<sub>不</sub>華國乎文子曰吾亦  
願之然吾觀國人其父兄之食麤衣惡而我美  
多矣吾是以不敢人之父兄食麤衣惡而我美  
妾與馬無乃非相人者乎且吾聞以德榮爲國  
華不聞以妾與馬文子以告孟獻子獻子囚之  
七日自是子服之妾衣不過七升之布馬餼不  
過稂莠文子聞之曰過而能改者民之上也使



國語髓析卷之五



東蒙公 萬

古燕呂邦耀同批評

崑山葛錫璠

勾甬董光宏同校正

魯語下

書

呂邦耀曰內傳云金奏肆夏之三不拜工歌文王之三又不拜歌鹿鳴之三三拜敘賓主禮節曲折如畫較此華縟

叔孫穆子聘於晉晉悼公饗之樂及鹿鳴之三而後拜樂三晉侯使行人問焉曰予以君命鎮撫敝邑不腆先君之禮以辱從者不腆之樂以節之吾子舍其大而加禮於其細敢問何禮也對曰寡君使豹來繼先君之好君以諸侯之故

況使臣以大禮夫先樂金奏肆夏繁遏渠天子  
所以饗元侯也夫歌文王大明繇則兩君相見  
之樂也皆昭令德以合好也皆非使臣之所敢  
聞也臣以爲肄業及之故不敢拜今伶簫咏歌  
及鹿鳴之三君之所以況使臣臣敢不拜況夫  
鹿鳴君之所以嘉先君之好也敢不拜嘉四牡  
君之所以章使臣之勤也敢不拜章皇皇者華  
君教使臣曰每懷靡及諏謀度詢必咨於周敢  
不拜教臣聞之曰懷和爲每懷咨才爲諏咨事

爲謀。咨義爲度。咨親爲詢。忠信爲周。君况使臣  
以大禮重之。以六德取不重拜。

季武子爲三軍。叔孫穆子曰。不可。天子作師。公  
帥之以征不德。元侯作師。卿帥之以承天子。諸  
侯有卿。無軍帥。教衛以贊元侯。自伯子男有大  
夫。無卿。帥賦以從諸侯。是以上能征下。下無姦  
慝。今我小侯也。處大國之間。繕貢賦以共從者。  
猶懼有討。若爲元侯之句法所以怒大國。無乃不可  
乎。弗從。遂作中軍。自是齊楚代討於魯。襄昭皆

如楚

諸侯伐秦及涇莫濟晉叔嚮見叔孫穆子曰諸侯謂秦不恭而討之及涇而止於秦何益穆子曰豹之業及匏有苦葉矣不知其它叔嚮退召舟虞與司馬曰夫苦匏不材於人共濟而已魯叔孫賦匏有苦葉必將涉矣具舟除隧不共有法是行也魯人以莒人先濟諸侯從之

襄公如楚及漢聞康王卒欲還叔仲昭伯曰君之來也非爲一人也爲其名與其衆也今王死

呂邦耀曰名  
衆二字與春

殊戰國相終  
始孟子所謂  
以小事大者  
也

其名未改其衆未敗何爲還諸大夫皆欲還子  
服惠伯曰不知所爲姑從君乎叔仲曰子之來  
也非欲安身也爲國家之利也故不憚勤遠而  
聽於楚非義楚也畏其名與衆也夫義人者固  
慶其喜而弔其憂况畏而服焉聞畏而往聞喪  
而還苟芊姓實嗣其誰代之任喪王太子又長  
矣執政未改予爲先君來死而去之其誰曰不  
如先君將爲喪舉聞喪而還其誰曰非侮也事  
其君而任其政其誰由已貳求說其侮而亟於

公孫曰榮成  
伯之論雖悉  
人情然當季  
氏之心見矣

前之人其讐不滋大乎。說侮不懦執政不貳帥  
大讐以憚小國其誰云待之。若從君而走患則  
不如違君以避難。且夫君子計成而後行。二三  
子計乎。有禦楚之術而有守國之備乎。則可也。  
若未有不如往也。乃遂行。反及方城。聞季武子  
襲卞。公欲還。出楚師以伐魯。榮成伯曰。不可。君  
之於臣其威大矣。不能令於國。而恃諸侯。諸侯  
其誰暱之。若得楚師以伐魯。魯既不違。夙之取  
卞也。必用命焉。守必固矣。若楚之克魯。諸姬不

呂邦耀曰魯仲連不止肯帝秦文未段倣此

獲闕焉而况君乎彼無亦置其同類以服東夷

而大攘諸夏將天下是王而何德於君其予君

也若不克魯君以蠻夷伐之而又求入焉必不

獲矣不如予之夙之事君也不敢不悛醉而怒

醒而喜庸何傷君其入也乃歸

襄公在楚季武子取不使季治逆追而予之璽

書以告曰不人將叛臣討之既得之矣公未言

榮成子曰子股肱魯國社稷之事子實制之唯

子所利何必不下有罪而子征之子之隸也又

何謁焉。子治歸，致祿而不出，曰：「使予欺君，謂予能也，能而欺其君，敢享其祿而立其朝乎？」

虢之會，楚公子圍二人執戈先焉。蔡公孫歸生

呂邦耀曰：內傳曰：楚公子

美矣。君哉曰

二執戈者前

矣。曰：蒲宮有

前不亦可乎

較此簡勁

與鄭罕虎見叔孫穆子。穆子曰：「楚公子甚美，不句法大夫矣。抑君也。鄭子皮曰：「有執戈之前，吾惑之。」

蔡子家曰：「楚大國也。公子圍其令尹也。有執戈

之前，不亦可乎。穆子曰：「不然。天子有虎，普習武

訓也。諸侯有旅，賁禦災害也。大夫有貳車，備承

事也。士有陪乘，告奔走也。今大夫而設諸侯之

呂邦耀曰：叔孫論楚圍之

魯語有其心

僭曰有其心  
矣子產論蔡  
侯之傲曰乃  
其心也論人  
情簡而精透

服有其心矣。若無其心而敢設服以見諸侯之  
大夫乎。將不入矣。夫服心之文也。如龜焉。灼其  
中必文於外。若楚公子不為君必死。不合諸侯  
矣。公子圍反殺邾敖而代之。

虢之會諸侯之大夫尋盟未退季武子伐莒取  
鄆莒人告于會楚人將以叔孫穆子為戮晉樂  
王鮒求貨於穆子曰吾為子請於楚穆子不示  
梁其經謂穆子曰有貨以衛身也出貨而可以  
免子何愛焉穆子曰非子所知也承君命以會

呂邦燿曰詳  
在晉語中然  
與內傳裂裳  
帛而與之事  
相矛盾

大事而國有罪我以貨私免是我會吾私也苟  
如是則又可以出貨而成私欲乎雖可以免吾  
其若諸侯之事何夫必將或循之曰諸侯之卿  
有然者故也則我求安身而為諸侯法矣君子  
是以患作作而不衷將或導之是昭其不衷也  
余非愛貨惡不衷也且罪非我之由為戮何害  
楚人乃赦之穆子歸武子勞之日中不出其人  
曰可以出矣穆子曰吾不難為戮養吾棟也夫  
棟折而榱崩吾懼壓焉故曰雖死於外而庇宗

於內可也。今既免大耻而不忍小忿，可以爲能乎？乃出見之。

平丘之會，晉昭公使叔嚮辭昭公弗與盟。子服

惠伯曰：晉信蠻夷而棄兄弟，其執政貳也。貳必

失諸侯，豈唯魯然？夫失其政者必毒於人。魯懼

及焉，不可以不恭，必使上卿從之。季平子曰：然

則意如乎？若我往，晉必患我，誰爲之？貳子服惠

伯曰：椒旣言之矣，敢逃難乎？椒請從。晉人執平

子子服。惠伯見韓宣子曰：夫盟信之要也。晉爲

盟主是主信也。若盟而棄魯侯信，抑闕矣。昔欒  
氏之亂，齊人間晉之禍，伐取朝歌。我先君襄公  
不敢寧處，使叔孫豹悉帥弊賦，躋躋畢行，無有  
處人以從軍吏。次於雝，俞與邯鄲勝擊齊之左  
犄，止晏萊焉。齊師退而後敢還，非以求遠也。以  
魯之密邇於齊，而又小國也。齊朝駕則夕，極於  
魯國，不敢憚其患而與晉共其憂。亦曰庶幾有  
益於魯國乎。今信蠻夷而棄之，夫諸侯之勉於  
君者，將安勸矣。若棄魯而苟回諸侯羣臣，敢憚

戮乎。諸侯之事晉者，魯爲勉矣。若以蠻夷之故，棄之，其無乃得蠻夷而失諸侯之信乎？子計其利者，小國共命。宣子說，乃歸平子。

季栢子穿井，獲如土缶，其中有羊焉。使問之仲尼曰：「吾穿井而獲狗，何也？」對曰：「以丘之所聞，羊也。丘聞之，木石之怪曰夔，罔蝮水之怪曰龍，罔象土之怪曰墳，羊。」

浙

季康子問於公父文伯之母曰：「主亦有以語肥也。」對曰：「吾能老而已。」何以語子？康子曰：「雖然，肥。」

願有聞於主對曰吾聞之先姑曰君子能勞後世有繼子夏聞之曰善哉商聞之曰古之嫁者不及舅姑謂之不幸夫婦學於舅姑者也

公父文伯飲南宮敬叔酒以露睹父為客羞句法鼈

焉小睹父怒相延食鼈辭曰將使鼈長而後食

之遂出文伯之母聞之怒曰吾聞之先子曰祭

養尸句法饗養上賓鼈於何有而使夫人怒也遂逐

之五日魯大夫辭而復之

公父文伯之母如季氏康子在其朝與之言弗

應從之。及寢門弗應而入。康子辭於朝而入。見  
曰：「肥也不得聞命，無乃罪乎？」曰：「子弗聞乎？天子  
及諸侯合民事於外朝，合神事於內朝。自卿以  
下，合官職於外朝，合家事於內朝。寢門之內，婦  
人治其業焉。上下同之。夫外朝子將業，君之官  
職焉。內朝子將庀季氏之政焉。皆非吾所敢言  
也。」

公父文伯退朝，朝其母。其母方績。文伯曰：「以歆  
之家而主，猶績懼于季孫之怒也。其以歆爲不

呂邦燿曰即前篇所謂君子能勞後世有繼也為傳韓獻子論晉人謀去故絳與此意同王氏紀聞曰楚箴曰民生在勤生如生於憂患之生蓋心生生不窮

能事主乎其母歎曰魯其亡乎使僮子句法備官而未之聞邪居吾語女昔聖王之處民也擇瘠土而處之勞其民而用之故長王天下夫民勞則思思則善心生逸則淫淫則忘善忘善則惡心生沃土之民不材淫也瘠土之民莫不嚮義勞也是故天子大采朝日與三公九卿祖識地德日中考政與百官之政事師尹惟旅牧相宣序民事少采夕月與太史司載糾虔天刑日入監九御使潔奉禘郊之粢盛而後即安諸侯朝脩

心生生不窮

勤則生矣生則鳥可已也

怠焉則放

死矣故公

交文伯之母

曰民勞則思

思則善心生

天子之業命書考其國職夕省其典刑夜徹百  
 工使無惰淫而後即安卿大夫朝考其職晝講  
 其庶政夕序其業夜庀其家事而後即安士朝  
 而受業晝而講貫夕而習復夜而計過無憾而  
 後即安自庶人以下明而動晦而休無日以怠  
 王后親織玄統公侯之夫人加之以紘紕卿之  
 內子為大帶命婦成祭服列士之妻加之以朝  
 服自庶士以下皆衣其夫社而賦事烝而獻功  
 男女效績愆則有辟古之制也君子勞心小人

呂邦耀曰叔  
文相苦三年  
其母自績曰  
君子不學詩  
書必有博養  
之心小人不  
好田作必有  
竊盜之心婦  
人不好紡績  
織經必有淫  
佚之行仲尼  
於此亦曰季  
氏之婦不淫  
谷之可以為

勞力先王之訓也。自上以下，誰敢淫心舍力。今

我寡也，爾又在下位，朝夕處事，猶恐忘先人之

業。况有怠惰，其何以避辟？吾冀而朝夕脩我，曰

必無廢先人。爾今日胡不自安，以是承君之官

余懼穆伯之絕祀也。仲尼聞之曰：弟子志之，季

氏之婦不淫矣。



公父文伯之母，季康子之從祖叔母也。康子往

焉，闔門與之言，皆不踰闔。祭悼子，康子與焉。酢

不受，徹俎不宴，宗不具，不繹，繹不盡，飲則退，仲

尼聞之、以為別於男女之禮矣、

公父文伯之母欲室文伯、饗其宗老而為賦、綠衣之三章、老請守龜卜室之族、師玄聞之曰、善哉、男命之饗不及宗臣、宗室之謀不過宗人、謀而不犯微而昭矣、詩所以合意、歌所以詠詩也、今詩以合室、歌以詠之、度於法矣、

公父文伯卒、其母戒其妾曰、吾聞之、好內女死之好、外士死之、今吾子夭死、吾惡其以好內聞也、二三婦之辱、共先祀者、請無瘠色、無洵涕、無

搢膺。無憂容。有降服。無加服。從禮而靜。是昭吾  
子也。仲尼聞之曰。女知莫如婦。男知莫如夫。公  
父氏之婦知也。夫欲明其子之令德也。

公父文伯之母朝哭。穆伯而莫哭。文伯仲尼聞  
之曰。季氏之婦可謂知禮矣。愛而無私。上下有  
章。

吳伐越。墮會稽。獲骨焉。節專車。吳子使來好聘。  
且問之。仲尼曰。吾以吾命。賓發幣於大夫。及仲  
尼。仲尼爵之。既徹俎而宴。客執骨而問曰。敢問

骨何爲大。仲尼曰：丘聞之，昔禹致羣神於會稽之山，防風氏後至，禹殺而戮之，其骨節專車，此爲大矣。客曰：敢問誰守爲神？仲尼曰：山川之靈，足以紀綱天下者，其守爲神。社稷之守爲公侯，皆屬於王者。客曰：防風氏何守也？仲尼曰：汪芒氏之君也，守封隅之山者也。爲漆姓，在虞夏商爲汪芒氏，於周爲長翟，今爲大人。客曰：人長之極幾何？仲尼曰：焦僂氏長三尺，短之至也；長者不過十之數，之極也。

仲尼在陳有隼集於陳侯之庭而死。楛矢貫之。石砮其長尺有咫。陳惠公使人以隼如仲尼之館。問之。仲尼曰：隼之來也遠矣。此肅慎氏之矢也。昔武王克商，通道於九夷百蠻，使各以其方賄來貢，使無忘職業。於是肅慎氏貢楛矢。石砮其長尺有咫。先王欲昭其令德之致遠也，以示後人，使永監焉。故銘其楛曰：肅慎氏之貢矢。以分大姬，配虞胡公，而封諸陳。古者分同姓以珍玉，展親也。分異姓以遠方之職貢，使無忘服也。

故分陳以肅慎氏之貢。君若使有司求諸故府。其可得也。使求得之。金櫝如之。

齊問丘來盟。子服景伯戒宰人曰。陷而入於恭。

閔馬父笑。景伯問之。對曰。笑吾子之大滿也。昔

正考父校商之名頌。十一篇於周。大師以那爲

首。其輯之亂曰。自古在昔。先民有作。溫恭朝夕。

執事有恪。先聖王之傳恭。猶不敢專。稱曰自古。

古曰在昔。昔曰先民。今吾子之戒。史人曰。陷而

入於恭。其滿之甚也。周恭王能庇昭穆之闕。而

呂邦耀曰數  
語卽內傳施  
取於厚事舉  
其中歛從其  
薄三句而暢  
衍之者也

爲恭。楚恭王能知其過而爲恭。今吾子之教官  
寮曰：階而後恭，道將何爲？

季康子欲以田賦，使冉有訪諸仲尼。仲尼不對。  
私於冉有曰：「求來，汝不聞乎？」先王制上藉田，以  
力而砥其遠邇，賦里以入，而量其有無，任力以  
夫，而議其老幼。於是乎有鰥寡孤疾，有軍旅之  
出，則徵之，無則已。其歲收田一井，出稷禾秉芻  
在米，不是過也。先王以爲是。若子季孫欲其法  
也，則有周公之藉矣。若欲犯法，則苟而賦，又何

訪焉。

開封府推官唐暉校刻




浙江圖書館

會  
言  
一

三

浙 江 圖 書 館

浙江圖書館藏  
書目



浙江圖書館




浙江圖書館善本

甲 登記號：005799

一九 年 月 日




浙江圖書館



浙江圖書館



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black